

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 1976 del 03/07/2026**

**Se trata del cors de trei egn 2026-2029**

## **Medejina generèla: enscinuazions al concors dant dai 27 de messèl**

**[Ladino] L é temp fin en lunesc ai 27 de messèl per portèr dant la domana per tor pèrt al concors per l'amiscion al cors de formazion spezifca de medejina generèla per i trei egn 2026/2029.**

**I pos a concors i é 40 e i é averc ai dotores laureé te medejina e chirurgia: vegn prezisà che pel portèr dant la domana ence chi che no à amò l diplom de laurea de medejina e chirurgia ma che i lo ciaparà dant de la proa de concors perveduda per i 21 de otober del 2026.**

L cors l pearà via de november aló da la Scola de formazion spezifca de medejina generèla de l'Azienda sanitàera universitàera integrèda del Trentin, con senta a Trent. L cors l sarà de 36 meisc per amancol 4800 ores de atività pratica e teorica en dut. Endèna la formazion vegnarà dat l met de lurèr tel ciamp de la medejina convenzionèda e vegnarà recognosciù na pèrt de la ores lurèdes te cheles del cors.

Duc i dotores enscinué al cors ciaparà n stipendium de la suma de 11.603 euro al an. Per duc chi enscinué (enciasé e no enciasé te n comun de la Provinzia autonoma de Trent) che, do aer ciapà l diplom, i laora te la medejina convenzionèda trentina aldò de chel che perveit la lege provinzièla, l stipendium l vegn smaorà, tras domana, per na suma en dut de 25.000 euro. L stipendium l é compatibol co la encèries de la medejina convenzionèda.

L avis de concors e l formulèr de domana a chest link:

<https://www.trentinosalute.net/Argomenti/FORMAZIONE-E-OPERATORI/Corso-di-formazione-specifica-in>

### **Info**

Servizio provinciale professioni sanitarie formazione e rapporti con le Università

mail: [serv.personalesanitarioeuniversita@provincia.tn.it](mailto:serv.personalesanitarioeuniversita@provincia.tn.it) - tel. 0461/494105

**Traduzion di Servijes Linguistics e Culturèi del Comun general de Fascia**

(cdt)